

# ԲԱՆԱՎԵՃԵՐ ԵՎ ՔՆՆԱՐԿՈՒՄՆԵՐ ДИСКУССИИ И ОБСУЖДЕНИЯ

ԻՍՐԱՅԵԼ ՕՐԻԻ ԾՆՆԴԱՎԱՅՐԸ, ՏԱՐԻՔԸ ԵՎ ԸՆՏԱՆԻՔԸ

Պրոֆ. Ա. Գ. ԱՐՐԱՀԱՄՅԱՆ

Իսրայել Օրին հայ ժողովրդի ազատագրական շարժումների ականավոր գեղեցիկ մեկն է։ Նա առաջին հայ դիվանագետն է, որը համարձակ վերանայից հայ ազատագրական շարժման քաղաքական կողմնորոշումը, ճշտեց այդ շարժման ուղիները, մեծ Ռուսաստանի մեջ տեսավ հայ ժողովրդի փրկությունը և նրա հետ կապից հայերի ազատագրական հույսերն ու ակնկալությունները։

Իսրայել Օրին ռուսական հողի վրա առաջին անգամ ոտք դրեց 1701 թ., դիվանագիտական բանակցությունների մեջ մտավ ռուսական արքունիքի հետ և հիմք դրեց հայ-ռուսական քաղաքական հարաբերություններին։

Օրիի անձնավորության հետ կապված և հշտման կարոտ խնդիրներից մեկը նրա ծննդավայրի հարցն է։ Մեզ ծանոթ տվյալների հիման վրա փորձենք քննության առնել այն։

Կարմելյան քարոզիչ Ուկոնին 1709 թ. ապրիլի 2-ին Հավատի տարածման Հոռոմի ժողովին ուղարկած իր ղեկուցագրում Օրիի ծննդավայրն է համարել «Դիլանը»։ Նա այդ ղեկուցագրում գրել է. «Պետք է նաև սույն նամակովս իմացնեմ Ձեր Գերապայծառության, որ հայ անձ մը և Պարսից շահին հպատակ, Իլիանի նահանգը ծնած (ընդգծումը մերն է—Ա. Ա.)... տեղս ժամանեց Պապին դրոշով՝ ինքզինքը իբր Պապին դեսպանը ներկայացնելով... իր անունը Իսրայել Օրի է և կրավի թե ինքը ղինվոր եղած է Ֆրանսայի մեջ»<sup>1</sup>։ Կարմելյան քարոզիչի այս տեղեկությունը մտացածին է։ Լ'ստ երևույթին, նրա ծանոթ վայրը միտաքսի վաճառքով հայտնի Գիլանն է եղել, ուր և հարմար է համարել տեղադրել Օրիի ծննդավայրը։

Կրուշինսկին Օրիին համարում է Ղափանցի. «Այդ ժամանակ (1708 թ. վերջերը),— գրում է նա,— մի դեսպան հասավ Շամախի, որը Մոսկվայի ցարի կողմից գնում էր պարսկական արքունիք։ Այս ջենտլմենտի անունն էր Իսրայել Օրի... Նա ծննդով Պարսկաստանի Ղափանցի (վայրից) էր (Karani)»<sup>2</sup>։ Նույնը կրկնել են անգլիացի Հանվելը և իտալացի կարմելյան կրոնավոր Ֆրա Լեանդրը։ Վերջինս գրում է. «1708-ին վերջերը ի Շամախի հասավ ռուսաց ձարին կողմանե դեսպան մը, որուն անունն էր Իսրայել Օրի, ազգով հայ և ծննդյամբ Ղափանուցի, որ Պարսկաստանի փոքրիկ գյուղ մըն է»<sup>3</sup>։

Օրիի ծննդավայրը Ղափանը համարելու այս վարկածը հանգամանորեն քննության է առել Աշ. Հովհաննիսյանը և հանգել է հետևյալ եզրակացության. «...սխալված կլինեինք, եթե, ելնելով Կրուշինսկու ինքյան արժեքավոր վկայությունից, Օրիի ծննդավայրը որոնելու լինեինք ներկայիս Ղափանի շրջա-

<sup>1</sup> Զ. Քյոնիգստյան, Իսրայել Օրի. Վենետիկ, 1960, էջ 172։

<sup>2</sup> The History of the Revolution of Persia, Father Krusinski, Dublin, 1719, էջ 127։

<sup>3</sup> «Բաղմավեպ», 1914, № 1, էջ 30։

նում... Ղափան անունը երբեմն ունեւ չափն իմաստ՝ ընդգրկելով Մեծ և Փոքր Սյունիքը, ասել է՝ Կուր և Արաքս գետահովիտների մեջ ընկած ամբողջ այն լեռնաշխարհը, որ Ալիշանը նշում է «Ղարաբաղ» տեղանունով»<sup>4</sup>:

Աշ. Հովհաննիսյանի այս կարծիքը հաստատող փաստ կարող ենք գտնել Ստեփանոս Շահումյանցի թեկադրանքով Ղուկաս Սեբաստացու գրի առած «Ընտիր պատմութիւն Դաւիթ բէգին և պատերազմացն Հայոցն խափանու» երկում: Այստեղ «խափան» տեղանունը գործ է ածված ողջ Սյունիքի համար հավաքական իմաստով:

Օքսֆորդի Բողիկյան գրադարանի № 53 ձեռագրի հիշատակագիր Սարգիսն իր թողած հիշատակարանում գրչության վայրի մասին գրում է. «Ես Սարգիս գրիչս եմ ի յերկրէն Ղափանայ, ի գեղջէն Դորիսոյ, որ աղղմանէ չարին փախեալ եկաք բնակեցաք ի գէօղօ Բարկիս (— ի յերկիրն Գեղամայ), և աստ գրեցաք զսուրբ աւետարանս ի թվիս Հայոց ՌՃԶ (=1657)»<sup>5</sup>: Գորիսը՝ Զանգեզուրի հանրաժանոթ այս բնակավայրը, ինչպես տեսնում ենք, համարվել է Ղափանի շրջանի գյուղերից մեկը: Ժամանակին այսպես է ճանաչվել Ղափանը: Անհիմն չէ պատմաբան Մ. Չամչյանը, երբ խոսելով Ղափանի մասին, գրում է. «...և ոչ թողին զոք ի թշնամեաց յաշխարհին Սիւնեաց և Արցախոյ, որոց սահմանք Ղափանու աշխարհ կոչին յոմանց»<sup>6</sup>:

Բաֆֆին Օրիի ծննդավայրն է համարել Հնդկաստանը. «Ղարաբաղի մեկիքները,— գրել է նա,— դեռ 1701 թվականին ուղարկեցին Պետրոս Մեծի մոտ ուղարկելու պատգամավոր Իսրայել Օրի անունով հնդկաստանցի հային»<sup>7</sup>: Ուրեմից է նա քաղել այդ տեղեկությունը, մեղ հայտնի չէ: Համենայն դեպս, մեղ ծանոթ պատմական աղբյուրներով այն չի ճշտվում: Անհավանական չէ, որ մեծանուն վիպասանը Օրիին շփոթած լինի հայ ժողովրդի ազատագրական շարժման մի այլ ականավոր գործիչի՝ Հովսեփ Էմինի հետ, որի գործունեությունն վայրը իսկապես Հնդկաստանն է՝ նրա Կալկաթա ծովափնյա քաղաքը:

Բանասեր Ե. Գեղամյանցը Օրիի ծնողներին արցախեցի է համարում, բոնք իբրեւ թե XVIII դարում Արցախի կալվածատեր մեկիքներից են եղել: Նշելով էջմիածնի գաղտնի ժողովում Օրիի հոր՝ Իսրայելի պատգամավոր ընտրվելու փաստը, նա այդ կապակցությամբ անդրադառնում է Օրիի ծննդավայրին. «Ընտրված աշխարհականներից մեկն էր Իսրայել անունով մեկիքը: Սակայն նա, մասամբ ծերությամբ, մասամբ էլ խաչնում ունեցած իւր կալվածից հեռանալու պատճառով (ընդգծումը մերն է—Ա. Ա.) հրաժարվեց, բայց իր փոխարեն Օրի անունով որդուն նշանակեց»<sup>8</sup>: Պռոշյան իշխանական տոնն Արցախում, իրոք, տիրույթներ ունեցել է, բայց այդ եղել է շատ վաղուց՝ XIII դարում, իսկ XVIII դարում Իսրայելի մեկիք լինելու և Արցախում կալվածք ունենալու մասին մեղ ոչինչ հայտնի չէ: Գեղամյանցը թյուրիմացությամբ մեջ է. XIII—XIV դդ. Արցախում Պռոշյանների ունեցած տիրակալական իրավունքները նա մեքենայորեն տեղափոխել է XVIII դար:

<sup>4</sup> Աշ. Հովհաննիսյան, Դրվագներ հայ ազատագրական մտքի պատմության, Գ. Բ. Երևան, 1959, էջ 230:

<sup>5</sup> Տիրայր Կալկաթու, Յուցակ ձեռագրաց Օքսֆորդի Բողիկյան գրադարանի, ձեռ. № 53 (հմտ. Աշ. Հովհաննիսյան, Դրվագներ, Գ. Բ. էջ 235):

<sup>6</sup> Մ. Չամչյան, Պատմութիւն Հայոց, հատ. III, Վենետիկ, 1786, էջ 788:

<sup>7</sup> Բաֆֆի, Երկեր, հատ. X, Երևան, 1959, էջ 180:

<sup>8</sup> Ե. Գ. Գեղամյանց, Իսրայել Օրին և իր ազատական ծրագիրը, Բաղու, 1914, էջ 10:



Պատմաբան Հ. Աստուրյանը հայ ժողովրդի պատմության իր դասընթացում Օրիին համարել է Պարաբաղցի, որը Հնդկաստանում իբրև թե զբաղվել է առևտրով, բավականին հարստություն ձեռք բերել և նվիրվել հայ ժողովրդի ազատագրության գործին. «Վերջինս (այսինքն՝ Իսրայել Օրին),— գրել է նա,— ծնունդով Գարաբաղցի հայ մ'էր, որ Հնդկաստանի մեջ լավ դրամ վաստակած էր վաճառականությամբ և ճշմարիտ հայրենասիրության ոգի մը կրկրներ»<sup>9</sup>։ Աստուրյանի այս տեղեկությունը մտացածին է։

Լևոն «Խոջայական կապիտալի» մեջ Օրիի ծննդավայրն է համարել Հին Նախիջևանի Շահապոնք ավանը։ Քանի որ Շահապոնքը հայ ունիթոոների կենտրոնն է եղել, ուստի, նրա կարծիքով, Օրին կաթոլիկ դավանանքին հարող ունիթոո է և ծննդյամբ այնտեղից. «Արդ՝ ընդունելով Շահապոնք ավանը կամ նրա մերձակա մի այլ գյուղ իբրև ծննդավայր Օրիի,— գրել է նա,— մենք զրա հետ ձեռք ենք բերում և երկու կարևոր իրողություններ, որոնք կարող են բացատրել ալդ մարդու կյանքի մի քանի հանգամանքները։ Առաջինն այն է, որ XVII դարում Շահապոնքը հայ կաթոլիկների կամ ունիթոոների զլխավոր կենտրոններից մեկն էր, և ամենայն հավանականությամբ ինքն Օրին էլ մեկն էր այդ ունիթոոներից»<sup>10</sup>։ Հետագայում նա իր ալդ կարծիքը վերանայել է «Հայոց պատմության» մեջ։ «Պոռչյան տոհմը սեփական կալվածներ ուներ Վայոց ձորում (Դարալագյազ),— գրել է նա,— և նրա սահմանակից Ճահուկ գավառում։ Հավանականաբար, այս տեղերից Պոռչյանների մի հատված բնակություն հաստատեց Ղափանի գյուղերից մեկում, որի անունը մեզ անհայտ է մնում։ Այդ անհայտ գյուղերից էր, ամենայն հավանականությամբ, Իսրայել Օրին»<sup>11</sup>։ Լևոյի այս ենթադրության հետ դժվար է համաձայնվել։ Անկարելի է մտածել, որ ազատագրական հոգսերով տարված հայ քաղաքական բարձր շրջանները և լուսավորչական եկեղեցու բարձրաստիճան հոգևորականությունը էջմիածնում գումարված զաղտնի ժողովին կարող էին մասնակից դարձնել հայ կաթոլիկի, և նրա երիտասարդ որդուն լիազորել Եվրոպա մեկնել՝ դիվանագիտական բանակցություններ վարելու։ «Ինքյան իսկ անհավանական է,— իրավացիորեն Լևոյին առարկում է Աշ. Հովհաննիսյանը,— որ XVII դարում հազիվ միայն 40 տուն հայ-կաթոլիկ և մոտ հարյուր տուն մահմեդական բնակչություն ունեցող Շահապոնքը, այսինքն՝ զրեթե մահմեդական մի գյուղ, եղած լիներ Օրիի անվանի հարադատների մղած պայքարի հանգրվանը և ի վերջո նույնիսկ մասնակցած էջմիածնի սակավամարդ խորհրդաժողովին»<sup>12</sup>։

Աշ. Հովհաննիսյանը հակված է Օրիի ծննդավայրը համարելու Սիսիանի շրջանի Սիսիան գյուղը. «Հավանորեն Սիսիանն է հենց XVII դարի մեծ Ղափանի կամ Նախիջևանի խանության այն մհալը, ուր պիտի որոնենք Օրիի ծննդավայրը»<sup>13</sup>։ Այս հարցում նրա հիմնական կոմաններից մեկը հայ առևտրական Եղիա Մուշեղյանի «Անձկություն» խորագրով աշխատությունն է եղել։ Մուշեղյանը, խոսելով իր գործընկեր Պոռեկարի մասին, նշում է, որ 1707 թ., Օրիի դեսպանության ժամանակ, նա մտած է եղել նրա շքախմբի մեջ. «Վերոյ յիշատակեալ Հօնօռէ Պօռէկարն,— գրում է նա,— էր ազգաւ Ֆրանցիզ, դա-

9 Հ. Աստուրյան, Պատմություն հայոց, Թուենոս-Այրես, 1947, էջ 353։

10 Լ. Ե. Ռ., Խոջայական կապիտալ, Երևան, 1934, էջ 177։

11 Լ. Ե. Ռ., Հայոց պատմություն, հատ. III, գ. II, Երևան, 1973, էջ 31։

12 Աշ. Հովհաննիսյան, Դրվագներ, գ. Բ, էջ 240—241։

13 Նույն տեղում, էջ 238։

առէն Մառչիլիու Սայ ընդ սիսիանցի Իսուայէլ Ռոի դեսպանին (ընդգծումը մերն է — Ա. Ա.) եկել էր Ֆրանկիստանու և ծառայէր նմայ ի գործս տնօրէնութեան»<sup>14</sup>։ Մուշեղյանի այս տեղեկության հիման վրա Աշ. Հովհաննիսյանը հնարավոր է համարել, որ Օրիի ծննդավայր գյուղը եղած լինի հենց Սիսիանի շրջանի կենտրոն Սիսիան գյուղը. «Հնարավոր է, — գրել է նա, — որ Մուշեղյանի հաղորդածը պարունակում է իր մեջ նույնիսկ ավելի նեղ մի իմաստ։ «Սիսիանցի» հատկացուցիչը կարող էր նշանակել ոչ միայն Սիսիանի մհալից, այլև ամբողջ Սիսիան գյուղից, որը ժամանակին հանդիսացել էր Սյունյաց մելիքների և յուզբաշիների նստավայրերից մեկը»<sup>15</sup>։

Դժվար է համաձայնվել Աշ. Հովհաննիսյանի այս կարծիքի հետ հետևյալ պատճառով։ Նախ՝ պատմական տեղեկություններ չկան, որ Պոռշյան իշխանական տունը որևէ ժամանակ տիրույթներ ունեցած լինի ներկայիս Սիսիանի շրջանում։ Ապա՝ եղիա Մուշեղյանը «սիսիանցի» ասելով նկատի է ունեցել ոչ թե ինչ-որ գյուղ, այլ՝ շրջան, տվյալ դեպքում՝ Սիսիանի շրջանը, որը միջին դարերում Սիսիան կամ Սյունիք անունով բավական լայն ընդգրկում է ունեցել։ Նրա վարչական կազմում, ըստ Շիրակացու «Աշխարհացոյցի», գտնվել է 12 գավառ, այդ թվում՝ Երնջակը, Ճահուկը, Վայոց ձորը, Գեղարքունիքը և ուրիշներ<sup>16</sup>։ Օրբելյանի գյուղացանկի համաձայն Սյունիքի մեջ մտել են հետևյալ 14 գավառները՝ Ծղուկ, Ալլախ, Վայոց ձոր, Գեղաքունի, Սոթք, Աղահեջ, Հաբանդ, Բաղք, Քաշունիք, Կովսական, Արևիք, Զորք, Երնջակ և Ճահուկ<sup>17</sup>։

Որ Սիսիանը չէր կարող Օրիի ծննդավայրը լինել, այդ որոշակի երևում է Պֆալցի կուրֆյուրստին Օրիի հաղորդած այն տեղեկությունից, որ էջմիածնից ճանապարհվելով դեպի Սյունիք, ճանապարհին կանգ է առել իր ծննդավայր գյուղում, իսկ հաջորդ օրը, շարունակելով ճանապարհը, հասել է Անգեղակոթ<sup>18</sup>։ Աշ. Հովհաննիսյանը կարծում է, թե էջմիածնից դեպի Անգեղակոթ գնալու համար ուղևորը նախ պիտի անցնի Սիսիան ավանը, ապա մի քանի ժամ ճանապարհը շարունակելով հասնի Անգեղակոթ։ Սյունիքի այդ երթուղու հետ ծանոթ ամեն մեկը գիտի, որ այդպես չէ։ Բացի այդ, Սիսիան ավանից Անգեղակոթ հեռավորությունը ոչ թե մի քանի ժամվա ճանապարհ է, այլ ընդամենը կես ժամվա՝ ձիով։

Մեր կարծիքով, Օրիի ծննդավայրի մասին եղած կարծիքներից համոզեցուցիչը ականավոր բանասեր Գարեգին Հովսեփյանի հայտնած կարծիքն է։ Նա Օրիի ծննդավայրն է համարում Վայոց ձորի Մարտիրոս գյուղը։ Անհրաժեշտ ենք գտնում քննարկել Հովսեփյանի առաջ քաշած կովանները, ինչպես և մեր կողմից հրապարակել նոր փաստեր։

14 Հ. Ոսկյան, եղիա Աստվածատրյան Մուշեղյան և իր գրական արտագրությունը (տե՛ս «Հանդես ամսօրյա», 1927, էջ 38։ Զեռագիր Վիեննայի մատենադարանի № 930, ք. 225բ—226ա)։ Մենք օգտվել ենք տվյալ ձեռագրի մանրաթուղթից, որը ստացել ենք Վիեննայի Մխիթարյաններից։

15 Աշ. Հովհաննիսյան, Դրվագներ, գ. Բ, էջ 238։

16 «Անանիա Շիրակացու մատենագրությունը», Երևան, 1944, էջ 350։

17 Ստեփանոս Օրբելյան, Պատմութիւն Նահանգին Սիսական, Թիֆլիս, 1910, էջ 569—523։

18 Г. А. Эзов, Сношения Петра Великого с армянским народом, документы, СПб. 1898, վավ. № 11, էջ 52 (այսուհետև՝ Эзов, Сношения)։



Հովսեփյանի հիմնական կովանն այն է, որ Օրին եղել է Պոռոջյան իշխանական տան շառավիղներից մեկը, իսկ Պոռոջյանների տիրույթը, ինչպես հայտնի է, գտնվել է Վայոց ձորում: Որ ժամանակակիցները Օրին ճանաչում էին որպես Պոռոջյան, այդ երևում է մի շարք վավերագրերից: Նշենք դրանցից մի քանիսը:

Մելիքները 1699 թ. ապրիլի 29-ին Պապին ուղարկած գրության մեջ հայտնել են նրան. «Մեք ընտրեալ էաք զսարուն Իսրաէլն՝ մեր մեծատան որդի Հայաստանեաց, ի տօհմէ Պօռօշ իշխանի, և ինք չի կարաց գալ վասն անօրինաց, և սլատճառ ալլեայլ չի լինիլոյ աղագան: Եւ ընտրեաց փոխարէն զիւր որդին Իսրաէլ Օրին, և մենք խապուլ արաք, որ դա հետ Յակոբ կաթողիկոսին»<sup>19</sup>:

Մելիքների՝ Օրին տված հավատարմագրում նշվում է, որ Օրին «...ծագում է Պոռոշ իշխանի սլայծառ ընտանիքից» (qui ducit originem ex familia principum Broschensium)<sup>20</sup>: Ասվում է նաև, որ Օրին, իր ազնիվ նախնիների օրինակով, 19 տարի շարունակ հետամուտ է եղել հայ ժողովրդի ազատագրության գործին, և որ այդ տան երեք հայրենասեր ներկայացուցիչներ նահատակվել են թշնամիների ձեռքով:

Նույն մելիքները 1699 թ. ապրիլի 29-ին Պետրոս I-ին ուղարկած գրության մեջ Օրինի ներկայացրել են որպես Պոռոջյան իշխանական տոհմի զավակ. «Դարձեալ մենք յառաջ ընտրեք էաք Հայաստանեացս մեծատունն զսարուն Իսրաէլն ի տօհմէ Պօռօշ իշխանի որ գան առ ձեր թագաւորութեանն, և ի ահէ անօրինացն ոչ եղև գալ ինք, իւր փոխարէն զիւր որդին առաքեց, մենք խապուլ արինք»<sup>21</sup>:

Ստեփանոս Ռոշքան, որն անձամբ հանդիպում է ունեցել Օրիի հետ և թարգմանել է մելիքների՝ Պապին ուղարկած գրությունը, Օրիի մասին հետևյալն է գրել. «Իսրայէլ Օրին Պերօշ իշխանի որդին, ընդ իւր բերեալ զՄինաս վարդապետն խարբերողի եկն ի Հոռմ...»<sup>22</sup>:

Որ Օրիի հայրն Անդրկովկասի ազատագրական շրջաններում ծանուցված մեկն է եղել, այդ որոշակի երևում է Մոսկվայում 1701 թ. հուլիսի 13-ին Դեսպանական վարչությունում (Посольский приказ) Օրիի արած հայտարարությունից. «Հուլիս ունի ինքը,— ասել է նա,— որ Արշիլ թագավորին ևս հայտնի է հայերի նախկին դիտավորությունը (խոսքն ազատագրական շարժումների մասին է— Ա. Ա.), թե ինչպես դեռ իր հայրը՝ Իսրայելը, 23 տարի առաջ նույն գործի համար ուղարկված է եղել և Ցարգրադից (=Կ. Պոլսից) սլատերադմի սլատճառով վերադարձել է, նմանապես նրան հայտնի պիտի լինի Իսրայելի րևտանիքը (ընդգծումը մերն է— Ա. Ա.): Եվ ինքը կամենում է տեսակցել Արշիլի հետ, եթե այդ բարեհաճի բոյարին Ֆեոդոր Ալեքսեևիչը (այսինքն՝ պետական կանցլեր Գոլովինը— Ա. Ա.)»<sup>23</sup>:

Եթե Արշիլին հայտնի չլինեին էջմիածնի գաղտնի ժողովում ընտրված ազատգամավորության ժամանումը Վրաստան և նրա վարած բանակցություն-

19 2. Քյոնիգստայն, նշվ. աշխ., էջ 34:

20 Эзов, Споминия, վավ. № 3, էջ 6:

21 Նույն տեղում, վավ. № 6, էջ 17:

22 «Ստեփանոսի Ռոշքայ, ժամանակագրութիւն կամ տարեկանք և կեղեցականք», Վիեննա, 1964, էջ 190:

23 Эзов, Споминия, վավ. № 42, էջ 84:

ները վրացական քաղաքական շրջանների հետ, կամ եթե Արշիլը անձամբ ճանաչած չլիներ Օրիի հորը որպես հասարակական-քաղաքական գործչի, անկարելի է կարծել, որ Օրին կարող էր համարձակվել նման հայտարարությամբ հանդես գալ արքունիքի Դեսպանական վարչությունում, քանի որ այդ նույն ժամանակ Արշիլը գտնվում էր Մոսկվայում և դժվար չէր ստուգել նրա հայտարարության հավաստիությունը:

Վերջապես, Աղվանից Եսայի կաթողիկոսը, Պետրոս Մեծին 1721 թ. ապրիլի մեկին ուղարկած գրության մեջ խոսելով Օրիի անցյալ գործունեության մասին, նրան անվանել է «մեծազգի» և «մեծազգայ»։ «Ահա այս ԻԲ (=22) ամ տեղի է,— գրել է նա,— որ նահապետ մեծ պատրիարհն Վաղարշապատու իւր արքեպիսկոպոսօք և աղատ որդովք և ես նուստս իմ եպիսկոպոսօք և մեկիքովք այսմ խնդրանաց և խորհրդեան կամք մեր մեծազգի և մեծազատայ և ձեր մեծութեան էլչի Իսրայել Օռին...»<sup>24</sup>։ Անկարելի է, որ Եսայի կաթողիկոսը չիմանար Օրիի մասին և առանց լավագիտակ լինելու, նրան մեծազգի մարդկանց շարքը դասեր։ Ճիշտ է, Եսայի կաթողիկոսը չի ասում, թե Օրին Պոռչյան իշխաններից է, սակայն նրա օգտագործած «մեծազգի» և «մեծազգայ» որակումները իշխանից ցածր անվանական աստիճան չեն ցուցանում:

Այսպիսով, վերը բերված տեղեկություններից կարելի է եզրակացնել, որ Մեկիք Իսրայելը ազատագրական շրջանակներում ճանաչված է եղել որպես Պոռչյան իշխանական տան շառավիղ:

Պատմական գիտությունների դոկտոր Պ. Հարությունյանը քննադատել է Գ. Հովսեփյանին, լեռնին և նրանց կարծիքը բաժանող մյուս պատմաբաններին այն բանի համար, որ նրանք Օրինի Պոռչյան իշխանական տան շառավիղ են համարել<sup>25</sup>:

Չենք ժխտում, որ Օրին կարող էր և սերված չլիներ Պոռչյաններից։ անվանական չլինել և իրեն Պոռչյանների հետ կապելով նպատակ ունեցած լինելը քաղաքական ասպարեզում դիրք և հեղինակություն շահել։ Պատմության մեջ նման օրինակներ ունենք։ Սակայն այդ դեպքում ինչպե՞ս գնահատել ժամանակակից մեկիքների, Եսայի կաթողիկոսի, Արշիլ թաղավորի, Ռոշթայի և այլոց վկայությունները։ Կարո՞ղ ենք նրանց բոլորին համարել կեղծարարներ։ Վերջապես, չպետք է կարծել, թե քաղաքական և եկեղեցական բարձր շրջանները մասնակից չէին ժողովրդի ազատագրական շարժումներին և այդ գործի բանազնացն անպայման պիտի լիներ ոչ անվանական մեկը:

Բոլորովին սխալ ենք համարում Հ. Քյուրտյանի՝ Օրինի տված գնահատականները՝ վերջինիս ծագման հարցը քննելու կապակցությամբ<sup>26</sup>:

Պոռչյանների տիրույթը, ինչպես ասացինք, գտնվել է Վայոց ձորում։ Մեղ հայտնի չեն փաստեր, որ Պոռչյանները հաստատված լինեին Հայաստանի մի այլ շրջանում։ Հայտնի է նաև, որ Մարտիրոսը Վայոց ձորի այն գլուղներից մեկն էր, որի հետ սերտորեն կապված է եղել Պոռչյանների տունը։ այն եղել է նրանց ամառանոցը։ Բավական է ասել, որ Մարտիրոս գյուղի շրջակայքում մեղ հայտնի է պատմական շորս հուշարձան Պոռչ իշխանի անվան

<sup>24</sup> Ա. Գ. Հովսեփյանյան, Հայ-ոռոս օրիննապրայի ծագման խնդիրը, էջմիածին, 1921, հավելված, վավ. № 14, էջ XXXIII:

<sup>25</sup> П. Т. Арутюнян, Освободительное движение армянского народа в первой четверти XVIII века, М., 1954, էջ 143—144:

<sup>26</sup> Հ. Քյուրտյան, նշվ. աշխ., էջ 22:



հիշատակությամբ, չենք խոսում լավագույն մյուս ներկայացուցիչների մասին, որոնց անունները հիշատակված չեն գյուղում եղած հուշարձանների սրճանագրություններում: Պոռ իշխանի անունը կա Ս. Աստվածածնի վիմափոր եկեղեցու հարավային և արևմտյան պատերի, վիմափոր եկեղեցիների դիմաց՝ գետակի ձախ ափի բլրակի վրա գտնվող դերեզմանատան խաչքարի, գյուղամիջի հուշարձանի պատվանդանի, Աստվածածնի եկեղեցու մուտքի քարի վրա: Պոռյանների անվան հիշատակությամբ արձանագրություններ կան Մարտիրոսի հարևան Գյումուր և Փաշալու գյուղերում<sup>27</sup>: Պատահական չէ, որ Հովսեփյանը, ձեռնարկելով Պոռյաններին նվիրված իր հետազոտությունը, փաստական նյութերի տվյալների հիման վրա Օրիի ծննդյան վայրն է համարել Մարտիրոս գյուղը:

Իր՝ Օրիի պատմածից հայտնի է, որ էջմիածնից դեպի Անգեղակոթ գնալու ճանապարհին նա կանգ է առել հայրենի գյուղում, գիշերել է քրոջ և եղբայրների մոտ՝ գաղտնի պահելով իր ինքնությունը: Նա հագած է եղել լեհ սպայի հագուստ և կապած Արևելքում անսովոր փողկապ: Քույրը և եղբայրները, տեսնելով օտարականին, հետաքրքրվել են նրանով: Անհրաժեշտ ենք համարում Օրիի զեկուցագրից բերել այն հատվածը, որն անմիջապես վերաբերում է նրա հայրենի տանը և քրոջ հետ ունեցած զրույցին:

«Քույրս,— պատմում է Օրին,— տեսնելով որ եկողը մի օտարական է, հարցրեց, թե՝ «Որտեղացի է նա»:

— Ես ասացի՝ Երևանից:

— Նա ինձ ասաց, թե՝ Այս երկրում ամենևին այս տեսակ շորեր չեն հանում:

— Պատասխանեցի թե՝ Գալիս եմ Եվրոպայից:

— Այդ բանը նրան ուրախացրեց, և նա հարցրեց՝ Ո՞ր երկրից:

— Ես անվանեցի բոլոր տեղերը, բայց նա ոչ մեկի մասին ծանոթություն չունեի, իսկ երբ ամենից առաջ տվի Ֆրանսիայի և Փարիզի անունները, նա սկսեց լաց լինել և ինձ հարցրեց՝ «Զե՞մ տեսել արդյոք մի երիտասարդ հայի այդ երկրներում:

— Հարցրի թե՝ քանի՞ ժամանակ է, որ նա հեռացել է այստեղից:

— Եվ նա պատասխանեց թե՝ Մոտավորապես քսան տարի է:

— Ես նրան ասացի թե՝ Քսան տարվա ընթացքում մի մարդ չի կարող միշտ երիտասարդ մնալ: Բայց այնտեղ ես տեսա,— ասացի,— մոտ քառասուն տարեկան մի մարդ, որն ինձ ասաց թե՝ նա այս նահանգից է:

— Հետո նա հարցրեց թե՝ Ի՞նչ ձևի մարդ էր նա և ի՞նչ ազգության էր:

— Պատասխանեցի. Տիկին, տեսքով նա ինձ նման է, նա թուխ է, ինչպես ես:

— Նա ասաց. Ո՞չ, նա ավելի բարձրահասակ էր, քան դուք և այդքան թուխ չէր:

— Ինչ վերաբերում է ազգանունին, ես լսել եմ նրա խոսքը, թե նա Իսակ կամ Օրի տոհմից է:

— Գուցե Իսրայել:

— Ես ասացի նրան. Այո, Իսրայել:

27 «Իրվան հայ վիմագրության», պրակ III, կազմեց՝ Ս. Գ. Բաթուղարյան, Երևան, 1967, էջ 179—191:



— Նա ասաց. հիթն այս ճիշտ է, դու իմ եղբայրն էս:

Միաժամանակ նա լաց լինելով դուրս դնաց և ներս բերեց իմ եղբայրներին, և մի րոպե տունը այնպես լցվեց մարդկանցով, որոնք ուղում էին նորություններ իմանալ այդ կողմից, որ ես չգիտեի՝ ում պատասխանել: Իմ եղբայրները չկանոնացան հավատալ իմ ասածներին և ասացին՝ իմ քրոջը. «Չպետք է հավատ ընծայել այս մարդու ասածներին, նա այս ու այն կողմերում լսել է, թե մենք եղբայր ենք կորցրել և եկել է մեզ ասելու, թե տեսել է նրան, որպեսզի մի քանի դրամ ստանա, ինչպես շատերն են արել...»:

Մյուս օրը (ապրիլի 5-ին) ես իմ եղբորս մոտ էի, որին ասացի, թե՝ Շուտով գնում եմ Ֆրանսիա և եթե նա կամենում է նամակ գրել իր պարոն եղբորը, ես ինձ պատիվ կհամարեմ տանել այն:

Այս բանի վրա նա ինձ ասաց, թե՝ Համոզված է, որ իր եղբայրը կենդանի չէ, որովհետև նրա հայրը ամեն տեղ հարցուփորձ է արել, բայց ոչ մի տեղեկություն չի ստացնել: Եվ եթե դուք կարողանաք նամակ բերել իմ եղբորից, ես ձեզ հինգ հարյուր ոսկի (դուկատ) կտամ, և իմ եղբայրներս դարձյալ այդքան, այնպես որ դուք ձեր ամբողջ կյանքը կանցկացնեք իբրև մի պարկեշտ մարդ:

Սրանից հետո նա ինձ ցույց տվեց մի նամակ՝ թվագրված ութսուն և չորս տարեթվով, որ ես նրան գրել էի Փարիզից: Ահա ինչպես թաղնվեցա իմ եղբոր մոտ, առանց ինձ ճանաչել տալու: Մեկնելիս (ապրիլի 6-ին, 1699 թ.) ես թողի անկողնի մեջ մի ժամացույց և մի քանի մեդալներ՝ փաթաթված թղթի մեջ»<sup>28</sup>:

Ըստ Սրու տեղեկության, 1699 թ. ապրիլի 6-ին նա իր հայրենի գյուղից մեկնել է և հասել Անգեղակոթ: Երևանից դեպի Սիսիան գնացող ճանապարհորդ անցնում է Վայոց ձորով: Այդ ուղու վրա որ գյուղն էլ որ վերցնելու լինենք՝ Փաշալու, Գնդեազ, Կեչուտ և այլն, ամենից մոտիկը Մարտիրոսն է. այդ գյուղից ճանապարհն անցնում է նախ դեպի Բաղարշայ, հետո՝ Ղալաջղուջ (այժմ ավերակ), ապա՝ մտնում Անգեղակոթ:

Ի դեպ, Գարեգին Հովսեփյանի տեսակետը Օրիի ծննդավայրի մասին, պաշտպանել են պրոֆ. Հ. Հարությունյանը 1945 թ. հրատարակած «Իսրայել Օրի» վերնագրով գիտա-հանրամատչելի գրքովկում<sup>29</sup> և արձակագիր Մ. Այվազյանը «Ճակատագիրն Հայոց» վեպում<sup>30</sup>:

Որ Օրիի ծննդավայրը Մարտիրոս գյուղն է, ապացուցվում է այլ փաստերով ևս, որոնց վրա կուղենայինք կանգ առնել:

Սյունիքի մելիքները Պֆալցի կուրֆյուրստին ուղարկած 1699 թ. ապրիլի 29-ի իրենց գրության մեջ, ցանկանալով ավելի ակնբախ դարձնել Պոռչյանների իշխանական տան ժառանգների բարեմասնությունները, իբրև նվիրված քրիստոնյաների, մատնացույց են արել այդ տան նրեք շառավիղների նահատակության փաստը: Նրանք գրել են. «Ձերդ Կայսրնտիր բարձրությունը իր նամակին մեջ շնորհը կրնե պարոն Օրիին, անոր գովեստ ընելով իր լավ կամեցողության, ընտիր եռանդին և խոհեմ վարմունքին, իր ձեռնարկներուն մեջ, շատ ճիշտ է, որ իր առաքինությունը և արժանիքը իր շատ պանծալի ծնունդին, ինչպես նաև տառապանքը և մարտիրոսությունը կպատկանի նույն»:

<sup>28</sup> Э. 30 в. Спомения, վավ. № 11, էջ 51—52 (հմտ. և ե ո, Հայոց պատմություն, հատ. III, գ. II, էջ 39—39):

<sup>29</sup> Հ. Հարությունյան, Իսրայել Օրի, Երևան, 1945, էջ 43:

<sup>30</sup> Սուրեն Այվազյան, Ճակատագիրն Հայոց, Երևան, 1966:



քան նշանավոր իր տան, մենք արդեն տեսած ենք նկատելի կերպով ուժեղ տրված կարծիքը իր մասին<sup>31</sup>, բոլորովին արվեստակյալ։ Ասոր համար, շնորհիվ Ջերդ Կայսրընտիր բարձրության, երկու խոսք կրսենք ի նպաստ իրեն, որ մենք տեսած ենք իր շատ նշանավոր տան երեք անդամներուն մարտիրոսացումը՝ կրոնքի համար։ Առաջինը մեկիք Մարահին՝ քարկոծելով այրեցին, անհավատել մը հետ առնել է վերջ դետին մը և վերադարձնելով քրիստոնյայի մը՝ ուրուն կպատկանելու, և անմիջապես հետո (երկրին սովորության համաձայն) քրիստոնյաները հիշյալ մեկիք Մարտինը սուրբերու կարգ դասեցին։ Երկրորդն էր՝ մեկիք Աղաճանը, որ իր պալատին մեջ կտոր կտոր ըրին։ Վերջապես երրորդին՝ Քարախան կոչված՝ զուխը կտրեցին։ Այս կատաղությունը և սաստիկ բարկությունը դեռ չհանդարտած՝ այս չար մարդիկը նույն ձևով և նույն պատճառով կուլեին սպաննել նաև մեկիք Իսրայելը՝ պարոն Օրիի հայրը, սակայն չհաջողեցան իրենց նպատակին հասնել, անոնք թունավորեցին զինքը...»<sup>32</sup>։

Օրիի երեք հարազատների նահատակության փաստը նշվում է նաև մեկիքներին՝ Պետրոս Մեծին ուղղված 1699 թ. ապրիլի 29-ի դիմումի մեջ. «Դարձեալ իմացնեմք քո ինքնակալ թագաւորիդ, ինչպես որ գրեւ ենք ի մէջ թղթին, թէ այս սլաշծառ տունս պարոն Իսրայել Օռին որչափ ի շարժարանք է քաշեր, որ մենք ակներև տեսաւ ենք և ի պատմութիւնս դրեալ կա, որ Դ (երեք) մարդ նահատակեցաւ այս սլաշծառ տանէն մեր ժամանական վասն քրիստոնէից համար. մենքլ դատաստանաւ տեսինք որ հնոց ի վաղէմէ իշխանաց զարմէ է, քան զամենքեանքս առաւել դերագուն է ամենայն իրաց»<sup>33</sup>։

Նահատակված այդ երեք անձնավորություններից Martin-ը՝ Մարտիրոսն է, Agajang-ը՝ Աղաջանը, իսկ Garagan-ը՝ կարող է լինի Քարախան կա՞նչ աղավաղված մի այլ անուն։

Գրեթե չեն հիշատակվում որոնումներ է կատարել Մարտիրոս գյուղի շրջակայքում եղած դերեզմանատներում՝ պարզելու համար, թե չկա՞ն արդյոք այդ նահատակների գերեզմանները։ Եվ նա, Մարտիրոսից ոչ հեռու, Օծոփ (Ածոփ կամ Ռծոփ) կոչվող վանքի արձանագրությունների մեջ գտել է Մարտիրոսի և Աղաջանի անունների հիշատակությունը։

Անհրաժեշտ ենք համարում բերել Օծոփի այդ արձանագրությունները։

Վանքի հարավային դռան ճակատին փորագրված է. «Ես տ[է]ր Ղազարոս ի գեղէն Մարտիրոսէն, շինել ետու թումարիդ դուռս ս[ուր]բ Ա[ստա]յծածնիս վ[ր]աս[ի]ն ճնողաց իմոց պարոն Աղաճանին եւ կենակցին Սիրմարքին եւ եղբօրն իմոյ Վէլիճանին, կողակիցն Փարուն եւ կողակցին իմոյ Մարիանին թվ. ՌՃԻ (1671)»<sup>34</sup>։

Այդ արձանագրությունից ներքև. «Ես Մարտիրոսեցի պարոն Հալէս ետո հոգոյ հաւրն իմոյ Մարտիրոսին, որ նա ո[ւ]ր (հրատարակության մեջ «նա

<sup>31</sup> «Իր մասին» կրկնված է։

<sup>32</sup> О з о в, Сношения, վավ. № 4, էջ 12—13։ Օգտվել ենք Քյուրտյանի թարգմանությունից (տե՛ս նշվ. աշխ., էջ 41—42)։

<sup>33</sup> Նույն տեղում, վավ. № 6, էջ 19։

<sup>34</sup> Գ. Հ ո վ ս ե փ յ ա ն, Խաղրակյանք կամ Պոռոյանք, էջ 253։ Օծոփի այս և մյուս երկու արձանագրությունները հրատարակել է Ա. Ալվազյանը, «Օծոփի և Կուքիի հուշարձանները» հոդվածում (տե՛ս «Պատմա-բանասիրական հանդես», 1976, № 2, էջ 257—265)։

ո») ամեն զգործն կատարեաց, եւ մարն իմոյ Մուրափիւն է (=7) Մուման տվի ս[ուր]բ Ա[ստա]ծած[նին]»<sup>35</sup>:

Այդ արձանագրության կողքին. «Խաշա [յ]իշա[տա]կ է (հրատարակության մեջ «իշակ է») Լալին եւ կողակցին Կուլիխանին եւ որդոցն Ավդին, Հախնզարին, Մարտսին (=Մարտիրոսին), եւ եղբ[որ]ս իմ պարոն էլիագին, որ տվաք Դ (=4) թուման ս[ուր]բ եկեղ[եցո]յս թվ. ՌՃԻ (=1671)»<sup>36</sup>:

Եկեղեցու ներսից, հյուսիսային պատին.

«Խ[ա]շա [յ]իշ[ա]տա[կ] է, Խ[ա]շա [յ]իշ[ա]տա[կ] է, Խ[ա]շա [յ]իշ[ա]տա[կ] է Մուրադին եւ Մուրասին, էլիաշին, Կուլիխանին, Լալին եւ կողակ[ի]ցն Հօնկւյն (— հանգուցելոյն) Շահաթումբ, Մարիանին մօրն, Մարտիրոսին ՌՃԻ (=1671)»<sup>37</sup>:

Մատնացույց անելով այդ արձանագրությունները, Գարեգին Հովսեփյանը եղրակացնում է. «Ա՛րդ, այս նահատակ Պոռչյաններից երկուսի անունը և մահվան ժամանակը նույնանում են մեր արձանագրություններից երկուսի հետ՝ «պարոն» Աղաճանի և «պարոն» Մարտիրոսի, մի զուգադիպություն, որ չպիտի վրիպի մեր ուշադրությունից: Այս հանգամանքը ստիպում է մեզ ճշմարտանման համարել, որ Օրիի հայրենիքը Մարտիրոս գյուղն է, անտեղի «պարոնները»՝ Պոռչյանների մնացորդներ, որոնց պատկանում է և Օրին»<sup>38</sup>:

Աշ. Հովհաննիսյանը համոզեցուցիչ չի գտնում Հովսեփյանի հայտնած կարծիքը Մարտիրոս գյուղը Օրիի ծննդավայրը լինելու մասին այն պատճառաբանությամբ, որ «...չկա որևէ փաստ, թե մինչև XVII դարը Վայոց ձորում շարունակվում էր Պոռչյանների սերունդը: Այս չի երևում, որ շիրիմագրերի Մարտիրոսը կամ Աղաջանը Պոռչյաններ էին, կամ մեկից և ևս ուրիշ անուններ: Կամ որ այդ մարդիկ մահացել էին, ինչպես ասվում է Օրիի անմիջական նախնիների մասին՝ XVII դարի 60—80-ական թվականներին: Մեկիք Մարտիրոսի մասին Օրիի թղթերում ասված է, թե նահատակվելուց հետո, «Բրիստոնյանները սրբերի շաբաթը դասեցին նրան», այսինքն՝ սրբատեղի դարձրին նրա գերեզմանը: Հովսեփյանի նկարագրությունից չի երևում նաև, քե Մարտիրոսի անուն կրող շիրմաբար որևէ հետք ունի նման պաշտամունքի» (ընդգծումները մերն են—Ա. Ա.)»<sup>39</sup>:

Նույն առարկությունն արել է նաև Հ. Քյուրտյանը. «Գարեգին Սրբադան Հովսեփյան,— գրել է նա,— իր Պոռչյանց նվիրված աշխատության մեջ կշառնա այդ անգո մարտիրոսները նույնացնել Ոծոպի Մարտիրոս գյուղին մեջ գտնված արձանագրությանց՝ պարոն Աղաճանի և պարոն Մարտիրոսի հետ: Սովորական այդ անունները նույնացնել պարզապես անոնց նմանության համար, բնական է, անընդունելի է առանց որոշ և վերջնական տվյալներու: Հովսեփյան Սրբադանի հիշած Մարտիրոսը մեռած կհիշվի անթվական, մինչև Աղաճանը ողջ էր 1671-ին: Գարազանի մասին ոչ իսկ հիշատակության նշույլ հոն: Ըստ Օրիի՝ այս նահատակությունները կատարված էին 1699-ի ատեն—

35 Գ. Հովսեփյան, նշվ. աշխ., էջ 253—254:

36 Նույն տեղում, էջ 254:

37 Նույն տեղում, էջ 254:

38 Նույն տեղում, էջ 274:

39 Աշ. Հովհաննիսյան, Դավադներ, գ. Բ, էջ 239:




ները: Այլ ավելի դարմանալի է, որ բացարձականապես ո՛չ մեկ հիշատակութ-  
յուն կա Իսրայել Օրիի հոր՝ Իսրայել Պոռշի մասին, մեռած կամ ողջ...»<sup>40</sup>:

Եթե դուրս հանելու լինենք Օրիի՝ Պոռշյանների ցեղից լինել-չլինելու վի-  
ճելի հարցը, ապա Աշ. Հովհաննիսյանի հիմնական առարկությունները կենտ-  
րոնանում են երեք հարցի շուրջը. ա) փաստեր չկան, որ Մարտիրոսը մահա-  
ցած լինի 1571 զարի 60—80-ական թթ., բ) չի հիշվում, որ Մարտիրոսը նա-  
հատակ է եղել, գ) բացակայում է Մարտիրոսի շիրմաքարը և հիմք չունենք  
ասելու, թե այն պաշտամունքի առարկա է եղել: Սրանց վրա պետք է ավե-  
լացնել Քյուրտյանի մի այլ առարկությունը, թե Գարագանի և Օրիի հոր մա-  
սին տեղեկություններ չկան:

Եթե մեզ հաջողվի նոր տվյալներ բերել խնդրո առարկա հարցի մասին,  
կարծում ենք, կարելի կլինի Օրիի ծննդավայրի վիճելի հարցը լուծված հա-  
մարել:

Ուսումնասիրողներից շատերն են խոսել նահատակ Մարտիրոսի մասին,  
բայց նրանց բոլորի ուշադրությունից վրիպել է Մարտիրոսի շիրմաքարը, որը  
գտնվում է Մարտիրոս գյուղի արևմտյան կողմում եղած գերեզմանատանը:  
Տապանաքարը օրորոցի ձև ունի, վրան կա շորս տողից բաղկացած արձա-  
նագրություն, որը հրատարակել է հայ վիմագրության երախտավոր Ս. Բար-  
խուդարյանը: Այդ արձանագրությունը վերծանված է ապաև.

«Այս է տապան Մարտիրո[ս] նահատակին  
նաեւ լալ որդ[ոյն] եւ ամինեց[ուն],  
Շին[եա]լ շիրիմ իւր ծնողին,  
Թվ[ին] ՌՃԺ մեկին (=1662-ին),  
Տ[է]ր Կ[ի]ր[ա]կ[ո]ս կ[ա]լմող սորին»<sup>41</sup>:



Ինչպես տեսնում ենք, արձանագրությունը պատասխանում է վիճելի հար-  
ցերին: Պահանջվում էր, որ Մարտիրոսը շիրմաքար ունենար, ահա և նրա  
շիրմաքարը: Պահանջվում էր, որ շիրմաքարը թվական ունենա, ահա և թվա-  
կանը՝ 1662, որը լիովին համապատասխանում է Օրիի մատնացույց արած  
ժամանակին: Պահանջվում էր, որ շիրմաքարի վրա անպայման հիշվեր Մար-

<sup>40</sup> Հ. Քյուրտյան, նշվ. աշխ., էջ 23—24:

<sup>41</sup> Ռիվան հայ վիմագրության, պրակ 111, էջ 190:

տիրոսի նահատակ լինելու փաստը, որը և կատարված է՝ «Մարտիրոս նահատակ»:

Ինչպես երևում է, Գ. Հովսեփյանն Օրիի երեք հարադատների հարցում ընկել է ճիշտ հետքի վրա. Օծոփի վանքի վրա եղած երեք արձանագրություններն էլ կապված են նահատակ Մարտիրոսի և Աղաջանի անունների հետ: Երկրորդ արձանագրության մեջ հիշված է Լալեն, որն իրեն Մարտիրոս գյուղից է համարում, Մարտիրոսի որդին է («Ես Մարտիրոսցի սպարոն Լալէս ետո[ւ]մ հոգոյ իմոյ Մարտիրոսին...»): Ուշագրավ է, որ տվյալ արձանագրության մեջ և՛ Աղաջանը, և՛ Մարտիրոսի որդին հիշված են իբրև «սպարոններ», իսկ Մարտիրոսի համար նշվում է նաև, թե «գործն կատարեաց»: Խիստ հավանական է, որ «գործի կատարման» այդ ակնարկը անձնական, մասնակի գործի չի կարող վերաբերել, այլ՝ հասարակական կարևոր ինչ-որ ձեռնարկի, իսկ թե ի՞նչ հասարակական գործ կարող էր լինել, այդ մենք գիտենք Օրիի հաղորդած տեղեկությունից:

Անբացատրելի էր մնացել Օրիի հաղորդած Garagan անսովոր անունը, որը չի հիշվում ո՛չ Օծոփի, և ո՛չ էլ Մարտիրոսի գերեզմանատանը եղած շիրմաքարի վրա: Լեոն կարծում է, որ այդ անունը եղած կլինի Կարախան<sup>42</sup>:

Մարտիրոսից ոչ հեռու, Հորատիս գյուղից երեք կիլոմետր հեռավորության վրա, կա մի ավերակ եկեղեցի, որի մուտքի մոտ փորագրված է հետևյալ արձանագրությունը.

«Շինեցի զեկեղեցիս թվ. ՌՃԻԸ (=1679):  
Ես տ[ե]ր Վարդանի որդի տ[ե]ր Կիրակոս գրեցի:  
Խաչս Յիշ[ատակ է] խաչն՝ տէր Աղաղարին մօրն»<sup>43</sup>:

Մեր կարծիքով արձանագրող Կիրակոսը՝ Մարտիրոս նահատակի շիրմաքարի մեջ հիշվող Կիրակոսն է. այնտեղ ասել է. «Տէր Կիրակոս կաղմող սորին», իսկ այստեղ՝ «Տէր Կիրակոս գրեցի»: Անհավանական չէ, որ այստեղ հիշվող «տէր Աղաղարը» լինի Օրիի հիշած «Garagan»-ը՝ «աղա» բառը, «Ղալա»-ից առաջ օգտագործած, թեև այդ անվիճելի չենք համարում:

Օրիի ծննդավայրի կապակցությամբ մնում է լուծել մի առեղծված ևս: Պֆալցի կուրֆյուրստին 1699 թ. սեպտեմբերի 22-ին Օրիի ներկայացրած զեկուցագրից երևում է, որ նրա ծննդավայրի շրջանը գտնվել է Նախիջևանի խանի գերիշխանության տակ. «Նախիջևան քաղաքը, — գրել է նա, — ուր մի խան կա, որ իր հետ ունի հարյուր մարդ, որովհետև նա թագավորության գլխավոր զորապետն է, և նա է, ու տիրում է մեր նահանգին (ընդգծումը մերն է — Ա. Ա.), և որ մահացու թշնամի է մեր ընտանիքին և ուրիշ քրիստոնյա իշխաններին, որոնց շատ անգթաբար սպանել է տալիս»<sup>44</sup>:

Եթե օտարերկրացի հեղինակները կարող էին Հայաստանի մի շրջանը շփոթել մյուսի հետ՝ հավաստի տեղեկություններ չունենալով Օրիի ծննդավայրի մասին, ապա նման շփոթություն չէր կարող լինել իր՝ Օրիի մոտ. անկարելի է, որ նա այդ հարցում սխալ թույլ տար:

<sup>42</sup> Լեոն. Հայոց պատմություն, հատ. III, գ. II, էջ 21:

<sup>43</sup> Հրատարակվում է առաջին անգամ:

<sup>44</sup> Эзоб, Сношения, վավ. № 9, էջ 33:



Հարց է առաջանում, եթե Օրիի ծննդավայրը գտնվել է Նախիջևանի խանության մեջ, ապա այդ կարծիքը հակասության մեջ չի՞ մտնում արդյոք Օրիի հայրենիքը Վայոց ձորն ընդունելու իրողության հետ։ Մեզ թվում է, որ ոչ, քանի որ XVII դարում Վայոց ձորը, իրոք, մտնում էր Նախիջևանի խանության կապի մեջ։ Ավելորդ համարելով բերել մատենագրական կողմնակի տվյալներ, բավականանանք միայն մատնացույց անելով 1765 թ. էջմիածնում պաշտոնապես կազմված թեմերի ցուցակը, ուր Վայոց ձորը տեղադրված է Նախիջևանի խանության մեջ։ Ըստ այդ ցուցակի, Նախիջևանի խանության մեջ մտել են. Աստապատը, Շահկերտը, Շոռոթը, Ղազանչին, Գաղը, Նորաշինիկը, Շրխմահմուդը, Քուլթափը, Ածույր (=Օծուփը), Ագուլիսը, Դաշտը, Ֆղնան, Շամբը, Արարքը, Ջաղացտեղը, Աղատակը, Եղեգնաձորը, Վայոց ձորը և Օրդուվարը<sup>45</sup>։ Ըստ որում, Ղափանը և Սիսիանը, ըստ այդ ցուցակի, այլ թեմերի մեջ են մտած եղել։ Իրավացի է Աշ. Հովհաննիսյանը, երբ վիճելով Ի. Պետրուշևսկու հետ, հակառակ նրա հայտնած կարծիքի, գտնում է, որ «Շարուր-Դարալագյաղը Նախիջևանի (բայց ոչ Ղարաբաղի) խանության մեջ էին ոչ միայն Խահմազի ժամանակ, այլև ավելի ուշ՝ XVII դարում»<sup>46</sup>։

Համեմատաբար դյուրին է լուծվում Օրիի ծննդյան թվականը։ Ըստ վավերագրական տվյալների, էջմիածնի գաղտնի ժողովի ընտրած պատգամավորության Պոլիս մեկնած տարում Օրին եղել է քսան տարեկան<sup>47</sup>։ Օրին Արևմտյան Եվրոպա է մեկնել 1679 թ., հետևապես նա ծնված պիտի լինի 1659—1660 թթ.։ Օրին, ըստ տեղեկությունների, մահացել է 1711 թ. 51 տարեկան հասակում։ Այս հաշվով ևս Օրիի ծնունդը ընկնում է 1659—1660 թթ.։

Քյուրտյանը հենվել է Հեյգելի հաղորդած այն տեղեկության վրա, ըստ որի Օրին 1689 թ. իբրև թե քառասուն տարեկան է եղել, հետևապես ենթադրում է, որ Օրին պետք է ծնված լինի 1649 թ.<sup>48</sup>, այլ խոսքով՝ տաս տարի ավելի վաղ, քան ընդունված է պատմագիտության մեջ։ Հ. Քյուրտյանը, ինչպես մի կապակցությամբ նշել է Աշ. Հովհաննիսյանը, Հեյգելի բնագիրն անձամբ չի տեսել, այնտեղ նշված է ոչ թե 1689 թ., այլ՝ 1698-ը. տեղի է ունեցել միավոր 9-ի և տասնավոր 8-ի տեղաշարժ։

Կարծում ենք, որ հայագիտության մեջ բավարար լուծում է տրվել Օրի անվան գործածությանը, որը հայկական ձև չունի։ Գոյություն ունեցող այն կարծիքը, թե Եվրոպա ընկած հայ մարդիկ հաճախ քմահաճ ձևով ազգանուն փոխելու սովորություն են ունեցել, և նման ուղիով է ընթացել նաև Օրին, ճիշտ համարել չի կարելի։ Ըստ Հ. Աճառյանի հայտնած կարծիքի Օրի անունը առաջացել է հայկական Ավրի կամ Եավրի անձնանունից<sup>49</sup>, որը ֆրանսերեն տառադարձությամբ դարձել է Օրի. «Թե իսկապես Իսրայելի որդի Եավրին կամ «Ավրին» Ֆրանսիայում էր դարձել «Իսրայել Օրի», — գրել է Աշ. Հովհաննիսյանը, — դրանում հեշտ է համոզվել, եթե նկատենք, որ Օրին ստո-

<sup>45</sup> Մաշտոցի անվ. Մատենադարան, Աճառ. № 9120, Թ. 3ա, հմմտ. Աշ. Հովհաննիսյան, Դրվագներ, գ. Բ, էջ 236—237։

<sup>46</sup> Աշ. Հովհաննիսյան, Դրվագներ, գ. Բ, էջ 237։

<sup>47</sup> Э. О. Р., Сношения, վավ. № 11, էջ 51։

<sup>48</sup> Հ. Քյուրտյան, նշվ. աշխ., էջ 21—22։

<sup>49</sup> Հ. Աճառյան, Հայոց անձնանունների բառարան, հատ. Բ, էջ 304։

րագրում է իր անունը միայն «Օռի» ձևով, մատնելով հին ֆրանսերենի «ո» հնչյունի արտասանության հետքը: Զպիտի, ի դեպ, տարօրինակ թվա, որ Իսրայել Օրի անվան մեջ հայրանունն անձնանունից առաջ է գրված. նույն այդ ձևով Օրիի թղթերում հանդիպող «Եւրի որդի Աղաջանը» թարգմանված տպագրված է ֆրանսերենում «Jauri Agadjan» ձևով»<sup>50</sup>:

Հիմք չունենք կարծելու, որ Օրին իր հայրենի գյուղում կարող էր ստացած լինել կանոնավոր կրթություն: Սակայն աչքաբաց երիտասարդը Եվրոպայում իր թափառումների տարիներին կարողացել է տիրապետել եվրոպական մի քանի լեզուների՝ ֆրանսերենի, գերմաներենի, իտալերենի, լատիներենի, ինչպես է՝ նրանց գրությունը: Այն փաստարկը, որ եվրոպական լեզուներով գրված և մեզ հասած վավերագրերը գրված չեն Օրիի ձեռքով, դեռևս ապացույց չէ, որ նա չէլ տիրապետում այդ լեզուների գրությունը, որովհետև նշված թղթերը գրված են Օրիի քարտուղարների կողմից, բայց հայտնի է, որ այդ գրությունները քարտուղարները կազմել են Օրիի թելադրությամբ: Եվրոպական և ռուսական արքունիքներում վարած դիվանագիտական բանակցությունների ընթացքում Օրիի ցուցաբերած նիստուկացի կիրթ ձևերը, խոսելու, տրամաբանելու բարձր կալոգությունը անհերքելի ապացույց են նրա բարձր կուլտուրայի:

Օրին Ֆրանսիայում ամուսնացած է եղել և ունեցել է երեխաներ: Դրժբախտաբար նրա ընտանիքի մասին կցկտուր տեղեկություններ են հայտնի մեզ: Ըստ Կրուշինսկու տեղեկության, Օրին ամուսնացած է եղել Ֆրանսիայում նախքան զինվորական ծառայության մտնելը, իսկ այդ եղած պիտի լինի XVII դարի 80-ական թթ.: Օրին իր ընտանիքի մասին տեղեկություն է հայտնել 1703 թ. նոյեմբերի 15-ին կանցլեր Ֆ. Ա. Գոլովինին ներկայացրած գրության մեջ. նա խնդրել է թույլ տրվի իրեն Արևմտյան Եվրոպա մեկնել երկու նպատակով՝ դեպի Հայաստան նախատեսվող արշավանքի կապակցությամբ բանակցություններ վարելու և եռսյուղ կայսեր և Պֆալցի կուրֆյուրստի հետ և ապա՝ տեսակցելու իր ընտանիքի հետ: Նա նշել է, որ մտադիր է իր երեխաներին բերել իր հետ ռուսական կրթության տալու նպատակով<sup>51</sup>:

Օրին ընտանիքի մասին հիշատակություն ունի նաև 1704 թ. սկզբներին Պֆալցի կուրֆյուրստին Մոսկվայից գրած նամակում. խոսելով իր նյութական դժվարությունների մասին, նա նշել է նաև ընտանիքի ծանր վիճակը. «Ուղիղ յոթ տարի է (1698—1704),— գրել է նա,— աշխատել եմ և անդադար ճանապարհորդել: Այդ ընթացքում ես անհրկակայելի նեղություններ եմ կրել, ունեցվածքս վաճառել եմ, իմ խեղճ գավակներս ոչինչ չեմ քողել (ընդգծումը մերն է—Ա. Ա.) և պարտքի տակ եմ ընկել»<sup>52</sup>:

Ցարական արքունիքից արտասահման գնալու թույլտվություն ստանալուց հետո 1704 թ. փետրվարի 2-ին Օրին դիմել է կանցլեր Ֆ. Ա. Գոլովինին և պատրաստակամություն է հայտնել իր հետ տանել ֆրանսերեն լեզու ուսումնասիրելու համար Ռուսաստանից արտասահման ուղարկվող գրագիրներին և խոստացել նրանց տեղավորել այն դպրոցում, ուր իր երեխաներն

<sup>50</sup> Ա. Գ. Հավահանյան, Դրվագներ, դ. Բ, էջ 270:

<sup>51</sup> Э. О. В., Споминия, վավ. № 109, էջ 176:

<sup>52</sup> Նույն աղբյուր, վավ. № 120, էջ 193:



են սովորում և վե՛րագարձին սեփական ծախսով նրանց ետ բերել<sup>53</sup>։ Օրիի այս տեղեկությունից երևում է, որ նրա երեխաները դպրոցական տարիք են ունեցել։

1706 թ., երբ Օրին վերագարձել է արտասահմանյան գործուղումից և պատրաստվել մեկնելու Պարսկաստան, հոկտեմբերի 29-ի խնդրագրում կրկին անդրագարձել է իր ընտանիքն արտասահմանից Ռուսաստան տեղափոխելու խնդրին։ Նա Վրել է. «Նս շեմ կարողացել իմ ուղեբեռը բերել լեհաստանի վրայով և հարկադրված եմ եղել թողնել Հռոմեական կայսրության մեջ (այսինքն՝ Ավստրիայում—Ա. Ա.), իսկ այժմ մտադիր շեմ գնալ այնտեղ և այժմ Ձերդ ցարական Մեծության ողորմածությանն եմ ապավինում, որ պեսզի իմ ունեցվածքը այստեղ բերեմ, ցանկանում եմ նաև երեխաներիս փոխադրել Ձերդ Մեծության երկիրը»<sup>54</sup>։

Ժժբախտաբար, հակասական են տեղեկությունները Օրիի ընտանիքի բնակության վայրի մասին։ Ըստ Օրիի մի տեղեկության, ինչպես և Մինաս վարդապետի վերը հիշված ղեկուցագրի, նրա ընտանիքի բնակավայրն է եղել Պֆալցի Դյուսելդորֆ քաղաքը։ Կանցլեր Գոլովինին ուղարկած 1704 թ. փետրվարի 2-ի դիմումից հետևում է, որ Օրիի ընտանիքը պիտի գտնված լինեն Ֆրանսիայում։ Ըստ 1707 թ. փետրվարի 28-ին Պետրոս Մեծին Օրիի հղած գրության, նրա ընտանիքը գտնվել է Քյոլն քաղաքում<sup>55</sup>։ Կրուշինսկին հայտնում է, որ Օրիի ընտանիքը եղել է Բրյուսել քաղաքում. «Անձամբ տեսել եմ Աստրախանում մի նամակ, որ Բրյուսելից գրել էր նրա որդին»<sup>56</sup>։

Ըրբ Մոսկվա եկող հայ առևտրականները լուր հասցրին Մինաս վարդապետին, որ Օրին մահացել է, նրա գույքը բռնագրավվել և կողոպուտի է ենթարկվում, նա 1711 թ. նոյեմբերի 26-ին ղեկուցագիր է ներկայացրել ցարական արքունիքի Դեսպանական վարչությանը և խնդրել թույլ տալ իրեն Աստրախան մեկնել՝ Օրիի գույքին տիրություն անելու և կողոպուտից փրկելու համար։ Նա ցանկացել է Օրիի մնացած գույքով նրա պարտքերը փակել. նրա անպաշտպան մնացած ծառայողներին նյութական օգնություն հասցնել, իսկ մնացածը հանձնել ժառանգորդներին՝ կնոջը և երեխաներին, որոնք, ըստ նրա խոսքի, ապրում են Հոենոսյան Պալադինի երկրամասում, Դյուսելդորֆ քաղաքում<sup>57</sup>։

Կրուշինսկու մի տեղեկությունից երևում է, որ Մինաս վարդապետին թույլ են տվել գնալ Աստրախան, և նա այնտեղ կարողացել է կողոպուտից փրկել Օրիի անձնական իրերը և հանձնել նրա զավակներին. «Մինաս վարդապետը, ինչ հետ յամածանոթ Մոսկվայից և լավ կաթոյիկ...»,— գրել է Կրուշինսկին,— և Օրիի մահից հետո նրա զխավոր կտակակատարը, հանգուցյալ Պետր Ալեքսեևիչի շնորհիվ կարողացավ ետ ստանալ Օրիի զավակի օգտին նրա անձնական իրերը, որոնք բռնագրավվել էին՝ համարելով պետական զանձարանի սեփականություն»<sup>58</sup>։

<sup>53</sup> Ա. Դ. Արրահայան, Իսրայել Օրու և Մինաս վարդապետի նորահայտ վավերագրերը, «Էքսիաժին», 1950, № 11—12, էջ 72։

<sup>54</sup> Ծ 3 Օ Յ, վավ. № 142, էջ 224։

<sup>55</sup> Նույն տեղում. վավ. № 144, էջ 225։

<sup>56</sup> Ա. 2. Հովհաննիսյան, Դրվագներ, գ. Բ, էջ 592։

<sup>57</sup> Ծ 3 Օ Յ, վավ. № 183, էջ 284։

<sup>58</sup> Ա. 2. Հովհաննիսյան, Դրվագներ, գ. Բ, էջ 620։

Ուրբե՛ր են և դե՛ Թրիի զավակները և ի՞նչ եղան նրանք իրենց հոր մահվանից հետո, այդ մասին մեզ ոչինչ հայտնի չէ: Ըստ բուլղարահայ մտավորական Տ. Մարտիրոսյանի տեղեկության, Թրի ազգանունով տասնյակ ընտանիքներ են և դե՛ Գերմանիայում և ունեցել են բարձր դիրք. «Կըսվի թե Գերմանիո մէջ տասնյակ մը ընտանիքներ կան Թրի ազգանունով,— գրել է նա,— որոնք աչքառու դիրքեր կգրավեն առևտրական և ազատական ասպարեղներու մեջ: Ասիկա կբացատրվի անով, որ Իսրայել Թրիի մահվան թվականին, 1711-ին, անոր կինը (համահայտն է գերմանուհի մը, ինչպես էր հաշատուր Աբովյանի կինը) իր երկու զավակներով կբնակվեր Գերմանիո Հոենոստան զավառների՝ Տյուսիլտորֆ քաղաքին մեջ: Անոր սերունդեն առաջ օգտօ պիտի ըլլան Գերմանիո մէջ ապրող Թրի ազգանունով այդ ընտանիքները»<sup>59</sup>:

#### МЕСТО РОЖДЕНИЯ, ВОЗРАСТ И СЕМЬЯ ИСРАЭЛА ОРИ

Проф. А. Г. АБРАМЯН

(Резюме)

Исраэл Ори—один из видных деятелей освободительного движения армянского народа. Он первым смело пересмотрел политическую ориентацию армянского освободительного движения и связал его надежды и чаяния с русским народом; Ори—фактически первый армянский дипломат, который вел переговоры с Петром I и заложил юридическую основу армяно-русских политических сношений.

В армянской историографии еще окончательно не выяснено место рождения Ори. Наиболее вероятным считается мнение видного арменоведа Гарегина Овсепяна, который на основании ряда фактов утверждал, что Ори родился в селе Мартирос в армянском историческом районе Вайоц-дзор (ныне Азизбековский р-н АрмССР). В статье приводятся факты, доказывающие справедливость этого утверждения. Рассматриваются также сведения, касающиеся возраста Ори и состава его семейства.

59 Տե՛ս էլ ն, Հայոց պատմություն, հատ. III, դ. II, ծանոթագրություններ, ծան. 142: